

Estimados pais/nais e/ou titores/as:

Informámosos que o día 21 de maio saíu publicada no Diario Oficial de Galicia a Orde pola que se regula a participación no fondo solidario de libros de texto e se convocan axudas para adquirir libros de texto e material escolar para o vindeiro curso 2018/2019.

Resumo das bases da convocatoria:

1. Presentarase unha única solicitude por familia. Dita solicitude será válida para as tres modalidades que contempla a Orde:

	SOLICITANTES (pais/nais e/ou titores legais de...	REQUISITOS
1.Participación no fondo solidario de libros de texto	alumnos/as de 3º, 4º, 5º e 6º de Ed. Primaria	Poderá participar todo o alumnado dos cursos mencionados e asignaranse os libros de texto por orde inversa á renda per cápita da unidade familiar: -Familias con renda per cápita igual ou inferior a 5.400 euros recibirán como mínimo 6 libros. -Familias con renda per cápita superior a 5.400 euros e igual ou inferior a 9.000 euros recibirán como mínimo 4 libros. -Resto de familias: recibirán libros se quedan sobrantes unha vez asignados ás familias anteriores
2. Axudas para adquirir libros de texto	alumnos/as de 1º e 2º de Ed. Primaria	Poderán solicitar estas axudas: -Familias con renda per cápita igual ou inferior a 5.400 euros, as cales recibirán un vale de 170 euros. -Familias con renda per cápita superior a 5.400 euros e igual ou inferior a 9.000 euros, as cales recibirán un vale de 90 euros. -Resto de familias: non poderán solicitar esta axuda.
3. Axudas para adquirir material escolar	alumnos/as de calquera curso de Ed. Primaria	Só poderán solicitar esta axuda as familias con renda per cápita igual ou inferior a 5.400 euros, as cales recibirán un vale de 50 euros.

* O alumnado de Educación Especial, o alumnado tutelado pola Xunta de Galicia e o alumnado cunha discapacidade igual ou superior ao 65%, terá dereito as axudas que lle correspondan con independencia da renda familiar.

2. O prazo de presentación das solicitudes comezará o 22 de maio e rematará o 22 de xuño de 2018, ambos incluídos.

3. A renda familiar estará formada pola suma das rendas de cada un dos membros computables. Cando presentasen declaración do imposto sobre a renda das persoas físicas no exercicio fiscal de 2016, sumaranse a base imponible xeral (recadro 392) e a base imponible do aforro (recadro 405), isto farase con cada declaración presentada polos distintos membros. Se non presentaron declaración da renda, teranse en conta os ingresos de acordo cos datos tributarios facilitados pola Axencia Estatal de Administración Tributaria. **(Se autorizan a consulta de datos non terán que facer este cálculo).**

4. A renda per cápita da unidade familiar é o resultado de dividir a renda da unidade familiar do exercicio fiscal de 2016 (calculada segundo o punto anterior), entre o número de membros computables.

Membros computables da unidade familiar	Membros non computables da unidade familiar
Os pais non separados legalmente nin divorciados ou o titor ou titores do alumnado.	A persoa proxenitora que non conviva co alumnado nos casos de separación legal ou divorcio, agás no caso de custodia compartida.
Os/as fillos/as menores de idade con excepción dos emancipados.	O agresor nos casos de violencia de xénero.
Os/as fillos/as maiores de idade discapitados ou incapacitados xudicialmente.	
Os/as fillos/as solteiros/as menores de 25 anos que convivan no domicilio familiar	
A persoa proxenitora separada legalmente ou divorciada, cando haxa custodia compartida.	
A persoa que, por novo matrimonio ou por convivencia en situación de unión de feito ou análoga, viva no domicilio familiar coa persoa proxenitora do/a alumno/a.	
Cando non exista vínculo matrimonial, a unidade familiar entenderase constituída polo pai, a nai e todos os descendentes que convivan con eles e que reúnan os requisitos arriba mencionados.	

5. A situación persoal, familiar e económica será a que corresponda ao 31 de decembro de 2016.

6. Xunto coa instancia (que este curso tamén se poderá presentar de forma electrónica na aplicación FONDOLIBROS (<https://www.edu.xunta.gal/fondolibros>), presentarase **orixinal e copia da seguinte documentación co fin de que a persoa que a reciba poida verificar a autenticidade da copia e devolva os orixinais:**

a) Copia do DNI ou NIE dos membros computables da unidade familiar, **cando non autoricen a consulta telemática.**

b) Libro de familia no que figuren todos os membros da unidade familiar (non necesaria se hai copia actualizada no centro).

No caso de non ter libro de familia, ou se a situación familiar, a día 31 de decembro de 2016, non coincide coa reflectida no libro, terá que presentarse documento ou documentos acreditativos do número de membros da unidade familiar, tales como:

- Sentenza xudicial de separación ou divorcio ou, de ser o caso, convenio regulador onde conste a atribución da custodia do/a menor.
- Certificado ou volante de convivencia *
- Informe dos servizos sociais ou órgano equivalente do concello onde reside a familia.

*** Non se considera válido o certificado de empadronamento.**

c) Achegarase o certificado acreditativo do grao de discapacidade, agás que fose emitido pola Xunta de Galicia, que só se presentará se non autoriza expresamente a súa verificación.

d) Achegarase copia da declaración da renda **cando non se autorice a consulta telemática.**

e) No caso de situación de violencia de xénero no contorno familiar: documentación acreditativa.

O alumnado de educación especial unicamente deberá presentar a solicitude de axuda, non sendo necesario xuntar documentación algunha.

7. Tamén lles informamos que é obriga dos beneficiarios conservar en bo estado os libros de texto e o material reutilizable recibido do fondo solidario ou adquirido coas axudas para libros de texto no curso escolar 2018/19, e devolvelos a rematar este. Tamén terán a obriga de destinar o importe do vale para libros a adquirir os libros de texto que indique o centro e destinar o importe do vale para material a adquirir o material escolar que necesite.

O horario de presentación das solicitudes en secretaría (salvo reunións ou imprevistos) **ata o día 22 de xuño** é o seguinte:

LUNS	MARTES	MÉRCORES	XOVES	VENRES
09:30 - 11:00	11:15 – 12:25	09:30 – 12:20	09:30 – 10:15	09:30 - 10:15
13:00 – 14:30	13:50 – 14:30		11:15 – 12:25	13:00 - 13:40
	16:40 – 19:30		13:50 – 14:30	

***Non se admitirán solicitudes fóra deste horario** (agás previa solicitude en secretaría). **Tampouco se recollerán as solicitudes que envíen polos alumnos/as. Deberán ser os pais/nais os que a entreguen no centro. Tamén recorden de poñer como solicitante a persoa (pai ou nai) que virá a recoller o vale ao centro.**

En posteriores notas informativas irémoslles indicando as datas de entrega dos vales e de exposición das listas provisionais de solicitudes admitidas do fondo solidario. Para calquera consulta non dubiden en contactar co centro. Na páxina web do colexio poderán consultar a Orde completa publicada no DOG: www.edu.xunta.gal/centros/ceipalbinonunez

Ourense, 22 de maio de 2018. A dirección.